



Sarajevo, 12.08.2022. godine

Broj: 06-06-2-747-2/22

## **Poziv za učešće na edukaciji „Škola vanjskotrgovinskog poslovanja“**

Poštovana/i,

Veliko nam je zadovoljstvo obavijestiti bh. poslovnu zajednicu, te Vam ovim putem uputiti poziv za učešće na edukaciji „**Škola vanjskotrgovinskog poslovanja**“ u organizaciji Vanjskotrgovinske komore Bosne i Hercegovine (VTK BiH), koja počinje **19.09.2022. godine** i traje do januara 2023. godine.

VTK BiH je uspješno realizirala tri ciklusa ove škole u periodu od 2018. do 2022. godine. Veliko interesovanje bh. poslovne zajednice za temama koje čine nastavni plan i program ove škole, najveća su motivacija VTK BiH da ponovno pokrene „Školu vanjskotrgovinskog poslovanja“. Ova škola je razvijena s ciljem pružanja savremenog i praktičnog treninga uposlenicima bh. kompanija, bavi se svim praktičnim aspektima vanjske trgovine, orijentisana je ciljnim grupama i realizira se kroz efikasne nastavne jedinice.

Razvoj vanjske trgovine Bosne i Hercegovine je proteklih nekoliko godina bio veoma pozitivan, a većina kompanija u zemlji učestvuje direktno ili indirektno u vanjskoj trgovini. Aktivna potraga za novim direktnim kupcima, klijentima i dobavljačima u inostranstvu predstavlja poseban izazov i zahtjeva dodatne kvalifikacije i kontinuirano stručno osposobljavanje uposlenika bh. kompanija kako bi ostali konkurentni sa uslugama i proizvodima na međunarodnom nivou.

Visokokvalificirani treneri i efikasno upravljanje kvalitetom „Škole vanjskotrgovinskog poslovanja“, garancija su uspjeha za sve učesnike. Imajući u vidu značaj, obim i ambicije samog projekta, velika nam je čast i zadovoljstvo informisati Vas da su pripremu realizacije projekta podržale brojne institucije, visokoškolske ustanove i kompanije iz privatnog sektora.

### **Nastavni plan i program škole & Dinamika realizacije**

Nastavnim planom i programom škole predviđena je realizacija nastave kroz ukupno deset (10) dana edukacije, a prema dinamici koja predviđa dva (2) dana edukacije mjesečno, od septembra 2022. do januara 2023. godine. Detaljan pregled planirane dinamike realizacije škole, sa satnicom, nalazi se u Programu (prilog).

### **Način održavanja nastave**

Nastava će se održati u prostorijama VTK BiH u Sarajevu (velika sala).



### **Kotizacija za učešće u školi**

Cijena kotizacije za učešće u školi, po polazniku, iznosi **1.000,00 KM + PDV**.

U slučaju da kompanija/institucija/organizacija želi izvršiti prijavu 3 (tri) ili više kandidata, moguće je odobriti popust na cijenu kotizacije, koji se dogovara direktno sa organizatorom. Uplata kompletnog iznosa kotizacije je obavezna prije početka nastave i troškove kotizacije nije moguće refundirati za one kandidate koji odustanu od pohađanja nastave ili prestanu dolaziti na predavanja.

### **U cijenu je uključeno:**

- Prisustvo predavanjima/nastavi (10 dana)
- Prezentacije/Materijali predavača
- Certifikat VTK BiH (za polaznike koji odslušaju minimalno 50% programa)
- Ručak i osvježenje na pauzama (10 dana)
- Pribor i radni materijali

### **U cijenu nije uključeno:**

- troškovi prijevoza i smještaja kandidata (finansiraju se o vlastitom trošku)

### **Način prijave učešća**

Zainteresirani polaznici prijavu mogu izvršiti popunjavanjem **online prijavnog obrasca**.  
Krajnji rok za podnošenje prijave je četvrtak, 15.09.2022. godine do 12:00 sati.

### **Kontakt osoba**

Vaša kontakt osoba za sve dodatne informacije u vezi sa ovom školom je gospodin Mirza Konjo, saradnik za edukaciju u VTK BiH i voditelj projekta.

Telefon: +387 33 566 204 & E-mail: [mirza.konjo@komorabih.ba](mailto:mirza.konjo@komorabih.ba)

S poštovanjem,



*Bajtal*  
dr. sc. Elma Kovačević-Bajtal  
Institut za edukaciju VTK BiH  
Direktorica

Prilog:

- Program „Škole vanjskotrgovinskog poslovanja“
- Predavači u okviru „Škole vanjskotrgovinskog poslovanja“

